

Kyrkjeklokka

Nr. 4 - 2012

Kyrkjeblad for Hornindal, Innvik og Stryn prestegjeld

76. årgang

Grønt kor

Les om Stryn Barnekor sitt grøne engasjement og omtanke for jorda vår.

Side 16



”Men Maria gøymde alt dette i hjartet sitt og grunda på det.”
(Lukas 2. 19)

Juleandakt side 2

Johan skriv om sin julesalme

Johan Gjørven deler sine refleksjonar om ein vakker julesalme.
Side 12



Kristendom i lommeformat

Treng du ein liten repetisjon av det sentrale trusinnhaldet i den kristne trua, så får du god hjelp av denne vesle foldaren som kyrkjelydane i indre Nordfjord har utvikla i samarbeid. Foldaren blir brukt både i konfirmantarbeidet og til utdeling i kyrkjene.

Side 11



Konfirmantar på Afrika-tur

Fleire frå våre bygder har vore på langtur i haust, og sit att med mange og sterke inntrykk frå eit spennande kontinent. Inne i bladet finn du reportasjar frå konfirmantturen som Kirkens Nødhjelp arrangerte til Malawi i søraust-Afrika, og frå Stryn Blandakor sin tur til Sør-Afrika i oktober. Mange venskapsband er knytte mellom nord og sør på desse turane. Les meir om dette på

side 4 og side 8.



Nye tonar i kyrkjemusikken

Ein kyrkjemusikalsk dugnad har i haust resultert i både nye instrumentklanger, fleire lokale utøvarar og ny musikk inn i gudstenestene i Nedstryn. God organisering og velvilje frå lokale amatørmusikarar har vore viktig for å få dette til.

Side 3



*Vi ønskjer ei
god og fredfull jul
til alle våre
lesarar!*



Juleandakt

***”Men Maria gøymde alt dette i hjartet sitt og grunda på det.”
(Lukas 2. 19)***

Har du som les dette tenkt gjennom denne setninga frå juleevangeliet? Maria høyrde ord om Jesus frå nokre hyrdar som kom til henne og tala om barnet ho hadde fødd. Maria let tankane sine bli fylt av desse orda. Dei var Guds ord, som overtydde henne om kven barnet hennar var og kva han måtte gjennomgå for å bli vår frelsar. Slik virkar alltid orda om Jesus. Dei overtyder og skapar tru på han.

Kanskje har du erfart at det er enkelte ord om Jesus som du ikkje gløymer? Av og til talar desse orda til deg på en slik måte at det blir klart for deg at ditt forhold til Jesus avgjer korleis det skal gå deg i æva. Orda grip deg og minner deg om at du må få forholdet ditt til Gud i orden. Ved juletid kjem kanskje slike ord til deg igjen.

Kanskje har du likevel levd mange år utan at desse orda vart meir enn påminningar? Kanskje har du tenkt at når det la seg betre til rette, så skulle du bli ein kristen. Eller du har konkludert med at du ikkje lenger kan bli frelst. Livet

ditt vart annleis enn du trudde. Kanskje også annleis enn du ein gong håpa, og du synes ikkje lenger du har noko å gje til Jesus. Ein gong meinte du at du hadde eit heilt liv å gje han. Du valde i staden å leve for deg sjølv, og så tapte du alt du kunne gjeve til

likevel vere vår frelsar, og når du blir hans så kan han også bruke deg slik han brukte Josef og Maria. Trass sin fattigdom ga dei han ein heim.

I dag kjem Jesus til deg. Ikkje for å krevje av deg. Heller ikkje for å dømme deg, men for å tilgje og viske ut alt det du har gjort gale i livet ditt. Alt som er synd, alt som går imot deg, alt som dømmer deg. Slik kjem han til deg i dag fordi han bar dine synder og gjorde definitivt opp for dei den første gongen han kom. Spør du korleis du kan ta imot han? Svaret er enkelt. Gjer som Maria.

Ta ordet om Jesus til deg. Då tek du også imot han. Då blir alt det han vil gje deg ditt, og du blir eit frelst menneske. Det er deg han har frelst

og vil eige i tid og æve.

Andakten er skriven av Arne Helge Teigen, dr. teol. og lærar ved Fjellhaug Misjonshøgskule.



han. Ja du tapte ikkje berre det, men også eit liv saman med Jesus. Har du det slik vil eg minne deg om noko.

Dei som ga Jesus hans første heim hadde ikkje så mykje å gje han. Dei var fattige menneske. På ein noko annan måte enn du og eg kanskje. Likskapen mellom dei - du og eg, er der likevel. Verken du eller eg har eigentleg noko som er godt nok å gje til Jesus. Våre gjerningar strekk ikkje til. Jesus vil



Nye tonar i kyrkjemusikken

Nedstryn kyrkjelyd har i fleire år vore prøvekyrkjelyd for den nye gudstenesteordninga som no blir innført, og har og valt utprøving av nye musikalske arbeids- og uttrykksformer som ein del av dette.

når det gjeld salmar/songar og den liturgiske musikken, - og meir er i vente. Bjarte fungerer som koordinator og organisator, og har regien på både musikarar og notar. Han gjer og avtalar med frivillege musikarar og syter for å øve inn stoffet på førehand. Iflg. Bjarte har det så langt vore lett å få tak i musikarar og dei fleste som

blir spurde seier ja med ein gong. Det er lagt vekt på å skape variasjon både når det gjeld alder på musikantane, instrumentering og musikkval. Eit døme på spennvidda i dette er då Jon Fredrik Hopland framførte sin imponerende trommesolo ved ei gudsteneste tidlegare i haust!

Med bakgrunn i at kyrkja har mangla



Desse var med å sette sitt preg på gudstenesta Helgemessesøndag: Bak frå v. Tore Bøe (bass, saksofon), Anne Mari Alden (waldhorn), Line Bø Håheim, Randi Beinnes og Ingvar Havnen (klarinett). Framme frå v. Galya Radeva Radkova (piano), Jan Gudmund Skrivervik (song), Jan Nygård (gitar) og Bjarte Sætre (keyboard/synth).

Bl.a. har soknerådet vedteke å bruke Tore Aas sin liturgiske musikk i tillegg til den musikken dei fleste av oss kjenner gjennom mange år. Tidlegare i år vart Bjarte Sætre tilsett i deltidsstilling som trusopp-læringsmedarbeider, med særleg ansvar for tilrettelegging av musikken i gudstenestene i Nedstryn. Og arbeidet har allereie bore frukter. På fleire gudstenester i haust har kyrkjelyden fått gode musikalske opplevingar - og overraskingar - både



Ved gudstenesta den 18.11. fekk vi høyre desse musikantane: Frå v. Gunnhild Sindre (fele) Leszek Wolczek (orgel), Synnøve Hjelbakk Hole (fele) og Bjarte Sætre (keyboard/synth).

fast organist ei tid har dette tiltaket vore eit viktig supplement. Men her snakkar vi ikkje enten-eller, men snarare både-og. Vi har vore så heldige å få tilsett Oddvar Bergset i den ledige organiststillinga i Nedstryn, og han tek til i stillinga på nyåret. Dermed ligg det an til at vi både får høyre meir til det gode orgellet i kyrkja, og til fleire spennande gudstenester der variasjon og ulike kombinasjonar av instrument og song blir å høyre.

Det gler vi oss til!

Nordfjord-konfirmanter på lærerik tur

Tekst: Kristin Stensrød. Foto: Miriam Flo.

Tidligere i høst var 4 konfirmanter fra Stryn og Hornindal med på en spennende reise til Malawi, sammen 10 andre konfirmanter fra Nordfjord og noen voksne reiseledere. Konfirmantene fra indre Nordfjord var Oliver Haugen, Hornindal, Odd Sindre Tonning, Olden, Mona Skåden, Innvik og Miriam Flo fra Flo.

Vi var 14 konfirmanter og tre voksne som reiste fra Norge - to konfirmanter fra hvert fellesrådsområde/kommune. De tre voksne var Fridleif Lydersen, prest i Bremanger, Gunnar Kartveit, regionsleder for Kirkens Nødhjelp i Bjørgvin og Kristin Stensrød, prest på Eid. I Malawi var det Oddbjørn og Reidun Flem som hadde laget opplegget for oss - Oddbjørn er sjef for KN i Malawi. Reidun var med oss på stort sett hele turen, og Oddbjørn var med på deler.

Det var en spennende og flott tur, med mange sterke opplevelser og inntrykk, både for konfirmantene og for oss voksne som reiste. Kirkens Nødhjelp jobber i all hovedsak med tre ting i Malawi. Vann: både vannpumper og brønnboring i landsbyer og



Fra venstre: Gunnar Kartveit, Oliver Haugen, Fridleif Lydersen, Bjørn Tore Osdal, Odd Sindre Tonning, Jakob Bredeesen, Ole Preben Fuglestrand, Markus Frislid.

vanningsanlegg til jordbruk. Utdanning: KN er spesielt engasjert i et prosjekt for å utdanne sjukepleiere og jordmødre, og er for tiden involvert i å bygge skoler. Malawi har

behov for 30.000 sjukepleiere - i 2003 var det ca. 3.000 sjukepleiere. I år er det over 10.000, takket være blant annet innsats fra Kirkens Nødhjelp.

Trafficking, eller menneskehandel, er ikke uvanlig i Malawi, fattige familier selger barna sine, både til slavearbeid og til prostitusjon. KN driver arbeid for å stoppe menneskehandel, og driver opplysning og holdningskampanjer. I tillegg har de sentre for barn som er reddet fra menneskehandel.

På turen vår besøkte vi en sjukepleierskole og fikk se nye, flotte internat, undervisningsrom og bibliotek. Vannprosjektene som nå drives i Malawi lå for langt unna til at vi kunne se de på vår tur - infrastrukturen i landet er ikke god, og det er vanskelig å reise og samtidig utnytte begrenset tid godt. Vi besøkte med vilje ikke et senter for menneskehandel-offer av hensyn til de som bor der.

Vi fikk derimot se mye annet, som også var viktig på en sånn tur. Vi var i en kulturell landsby - altså en landsby som var bygd opp for å vise kulturen i Malawi, med mulighet for overnatting og med butikker med lokal kunst og håndverk. Ungdommene fra Nordfjord fikk lage keramikk-krukker og



Fra venstre: Cammila Hauge, Sunniva Hole, Emma Hagen, Sofie Holm Sæterlid, Mona Skåden, Ingrid Ose, Margit Dammerud, Kristin Stensrød og Miriam Flo.

Kyrkjeklokka

Bladet blir sendt til alle husstandar i Stryn og Hornindal kommunar.

Web: www.kyrkjeklokka.no

Redaktør for dette nummeret er:
Tore Bøe,
post@kyrkjeklokka.no

Forretningsfører/abonnement:
John Selmer Skiftesvik,
6788 Olden, tlf. 57 87 33 85
john.skiftesvik@eninvest.net

Bankgiro 0538 18 51054
Bankgiro 3795 30 05108
Kontingenten er frivillig.
Vi takkar for betaling og støtte.

Kontortider, telefon, epost

Måndag er sokneprestane sin fridag.

INNVIK prestekontor
Tlf. 57874123
Mobil 91184241
Sokneprest Harald Runde
Kontortid:
Tysdag, onsdag og fredag kl. 10-12
Privat 57874115
harald.runde@c2i.net

STRYN prestekontor
Tlf. 57874812
Mobil 91103134
Sokneprest Kjetil Netland
Privat 57871029
kjetil.netland@stryn.kommune.no

HORNINDAL prestekontor
Tlf. 57879833
Mobil 97689366
Vikarprest Sigurd Stige
Kontortid:
Tysdag 9–12 og torsdag 9–12

KYRKJEVERJER

Stryn kommune
Borghild Skarelsen
Tlf. 57874811
Mobil 91327882
borghild.skarelsen@stryn.kommune.no

Hornindal kommune
Anne Lødemel Honningsvåg
Tlf. 57879834
Privat tlf. 57879653
Mobil 97084120
Måndag 8-15, torsdag 9-13
anne.honningsvag@hornindal.kommune.no



God stemning då konfirmanantar frå både Nordfjord og Malawi var samla til fotballkamp og moro!

Framhald frå side 4

smykker, og vi ble servert lokal mat. Her fikk vi også se tradisjonell dans og sang - veldig ulikt det vi er vant til.

Vi var på kirkebesøk i en presbyteriansk kirke. Først var vi med på gudstjeneste, og så var vi på søndagsskole med de eldste barna. De eldste av disse ble så invitert til å være sammen med oss lørdagen før vi reiste.

Vi besøkte Mua Mission, et senter for Malawisk kultur, drevet av katolikker. Vi var på museum og fikk se masker og ritualer fra Malawis både eldre og nyere historie. I landsbyene lever ofte de gamle ritualene og kristendommen side om side, til tross for at de på mange måter ikke er forenlige.

Vi var også en tur til Malawisjøen, der vi fulgte barn fra landsbyen Senga Bay til skolen, og var med på to skoletimer. Dette var en fattig landsbyskole, med 1875 elever, og med 80-90 elever i hver klasse, som satt på gulvet og fikk undervisning. Møte med den malawiske skolehverdagen var nok noe av det som gjorde det største inntrykket på konfirmantene. Konfirmantene hadde samlet inn penger og skolemateriell som vi overrakte på skolen. Det ble tatt i mot med stor takk, selv om det på langt nær var nok til alle.

Vi besøkte også en privat katolsk jenteskole. Der var standarden høyere, men milevis fra hva vi er vant med her i Norge.

Et besøk til den Norske ambassadøren ble det også tid til, og der fikk vi til og med vafler!

På siste hele dagen vår i Malawi fikk vi besøk av 15 ungdommer knyttet til den kirken vi var i søndagen før, og vi tilbragte formiddagen med å spille fotball og ha konkurranser og prate med dem. Dette var noe av det de norske ungdommene satt størst pris på på turen.

En tur på markedet for å handle suvenirer måtte selvsagt også til, og selv med veldig ivrige og litt innpåslitne selgere, hadde mange morsomme opplevelser av pruting og handel, og alle fikk med seg litt av Afrika hjem :) ☺☺

Da vi omsider kom til Bergen og skilte lag til buss og båt hjem, var vi enige om at vi hadde vært med på noe helt spesielt og at vi hadde hatt en flott tur.

Vi voksne som reiste med ungdommene var også enige om at vi nok hadde hatt med oss kremen av norsk ungdom på tur. Det gjorde stort inntrykk å se hvordan de møtte alle med stor respekt, nysgjerrighet og interesse. De var ikke redde for å snakke med de de møtte, og de tok initiativ i sosiale sammenhenger og var generelt veldig flotte i møte med en litt fremmed kultur. Vi var imponerte over dem, og stolte over å reise sammen med dem. Det har vært en flott tur, og et minne for livet for både unge og litt eldre. Det er også gledelig å se at det er knyttet vennskapsbånd både over kontinent og kommunegrenser. Takk til alle som har vært med å bidra økonomisk til at denne turen kunne gjennomføres.



Av Jon Ytrehorn

Tankar langs vegen ...



Ei juleforteljing til ettertanke

Det hende på ein russisk barneheim etter at jarnteppet fall. To amerikanske lærarar var invitererte av det russiske utanriksdepartementet til å undervise ved skular og forskjellige barneinstitusjonar. På ein barneheim blant hundre forsømde og misbrukte born opplevde dei noko som ingen av dei har kunna gløyme.

han. Eg svarte at det kunne eg ikkje, for eg hadde ikkje noko gåve å gje han, som alle andre. Men fordi eg hadde så veldig lyst til å vere hos han prøvde eg å kome på noko som eg kunne bruke som gåve. Så spurde eg Jesus: "Om eg held deg varm, vil det vere ei god nok gåve?" Og Jesus svarte: "Dersom du held meg varm, vil det vere den beste gåva eg nokon gong kunne få." Så kraup eg opp i krubba saman med Jesus, og han fortalde meg at

Vi bur i eit land med ein velstand som er eineståande. Vi har fridom, vi har fred og vi har velferd for dei aller fleste. Men utanfor vår dør finn vi dei som berre kan drøyme om slikt. Ikkje berre i andre land, men også hos oss finn vi mange som Misha. Born som lengtar etter å kjenne seg elska og verdsette. Let vi att augene og tenkjer at dette vedkjem ikkje meg? Eller opnar vi våre hjarte og gjev rom for innleving og handling?

DET VAR like før jul, og det var avtalt at dei skulle fortelje juleevangeliet for borna. Både born og tilsette følgde

levande med i forteljinga om Maria og Josef og Jesusbarnet. Nokre av borna sat ytst på stolen, som om dei var redde for ikkje å få med seg kvart ord. Etterpå fekk borna i oppgåve å lage sin eigen stall med krubbe. Dei fekk papp og andre ting dei trong, og tok ivrig fatt på oppgåva. I det ein av lærarane kjem bort til vesle Misha på 6 år, ser han at det ligg to babyar i krubba. Han spør om kvifor det låg to babyar. Misha, som aldri har høyrte juleevangeliet, fortel mest ordrett om det som skjedde. Men i det han kjem til staden der Maria legg barnet i krubba seier han:

OG I DET Maria la Jesusbarnet i krubba såg Jesus på meg og spurde om eg hadde ein stad å vere. Eg fortalde at eg hadde korkje pappa eller mamma eller nokon heim. Då sa Jesus at eg kunne vere hos



Den vesle guten hadde funne nokon som aldri ville misbruke han, men alltid ville vere hos han.

eg kunne vere hos han for alltid, avslutta Misha.

DÅ DEN VESLE GUTEN var ferdig braut han saman i gråt. Tårene rann og rann. Han gøymde ansiktet i hendene sine medan heile kroppen riste av gråt. Hulkande la han hovudet sitt mot bordplata. Forteljaren seier det slik:

"Den vesle guten hadde funne nokon som aldri ville misbruke han, men som ALLTID ville vere hos han. Den dagen lærte eg at det er ikkje KVA du har i livet, men KVEN du har."

□□□□□□□□□□□□□□□□□□□□□□□□

DENNE FORTELJINGA talar til hjartet. Den vender seg til kjensler og til innleving. Den vekker oss til ettertanke.

til handling der vi deler av vår rikdom, slik at vi gjev nokre av dagens mange Misha ei framtid med håp.

□ Eg drøymmer om at born og unge i vårt land om gruar seg til jul kan oppleve ei helg der vaksne let flaska stå og skaper ei familiehlg der borna kjenner seg sett, elska og trygge.

□ Eg drøymmer om ei jul der juleevangeliet kan lyde for store og små i heimane våre. Ikkje berre som ei romantisk forteljing, men blir ein bodskap som skaper undring, innleving og glede og gjev grobotn for tru, håp og kjærleik. Slik det gjorde hos Misha.

GLEDELEG JUL!

Forteljinga om Misja er henta frå bladet "Misjon uten grenser". Nr. 4 -v. 2008.



Ditt komme, Herre Jesus, forvandler jordens natt og bringer lys til mange som føler seg forlatt. Hjelp oss å gå i dine spor! La verden se din godhet igjennom dem som tror.

Frå salmen Vi ser deg, Herre Jesus (NoS 71). av Svein Ellingsen.

Acta satsar på kor i Sogn og Fjordane

Av Stine L. Hopland

Vi i Acta kan no hjelpe deg å starte kor på din heim plass!

Soul Children er Acta-barn og unge i Normisjon si kor-rørsle. Det starta som eit enkeltstående kor i Oslo, men utvikla seg raskt til ei kor-rørsle med arbeid for fleire aldersgrupper, eigen festival, seminar og lokale/ regionale samlingar m.m. Vi i Acta Sogn og Fjordane har allereie fire Soul Children kor i fylket, men no satsar vi stort og ynskjer å doble dette i løpet av 2013. Så dersom du er ein musikalsk leiar/ dirigent, eller koreograf som ynskjer å starte kor, ynskjer vi å vere med å hjelpe!



Soul Children er nå den hurtigst voksende kor-rørsla i Norge, med over 80 lokale kor rundt i heile landet. Målgruppa i Soul Children er

5.-10.klasse, og det musikalske, det sosiale og det åndelege er tre likestilte områder i arbeidet!

Soul Children konseptet har mykje ferdig materiale å arbeide ut i frå, både cdar med sing-back, notar, dvdar med dans og rørsle til songane, samt diverse klede og effektar. Musikken er tilpassa

aldersgruppa, og har materiale både på norsk og engelsk!

Vi har ein tanke om at mellom anna Sogndal, Førde og Florø er aktuelle stadar, men ynskjer å vere med der Du vil starte!

Kunne du tenke deg å vere med å starte Soul Children kor? Ta kontakt med Stine, på Normisjon og Acta

sitt regionkontor på Sandane:

57 86 63 49 / 48 99 23 42.

Vintertreff i Stryn



U2013
Ungdomsåret i Bjørgvin

Er du klar for ei helg heilt utanom det vanlege?

Helga 8.-10. februar 2013 er det igjen duka for VinterTreff og i år går turen til Stryn. Også i år blir det eit samarbeid mellom Sogn og Fjordane og Møre og Romsdal krinsar i KFUK-KFUM. VinterTreff er eit signal-arrangement og i det høve har biskopen meldt sin ankomst!

Her vert det konsertar og ulike seminar som t.d. dans, drama, kor, band, direksjon, sport og hobby med Ten Sing Norway og andre. Det blir også Ten Sing-galla med Ten Sing-grupper frå Sogn og Fjordane og Møre og Romsdal, fokustimar, innebandy-turnering, gudsteneste og mykje meir!

Påmeldingsfrist er 25. januar 2013.

kort sagt

„...jula er høgtida som gjer det gode betre, og det vonde vanskelegare. Og det er høgtida der vi ønskjer oss det beste for alle.

Oddny Torheim

„Om advent: Det å vente er nesten deilig, det gir spenning og sammenheng, det lenker dagen sammen og gir hele livet farge.

Ronald Fangen

Stryn Blandakor i Sør-Afrika

Av Henny Koppen

Etter mange år med afrikanske songar på repertoaret, var det endeleg klart for ekte vare. Koret pakka bagen, rigga seg til på

koret vart med på turen, men vi som reiste av garde vart sveisa saman, både koristar og andre deltakarar. Møtet med



Margareth Flo i møte med glade afrikanske born

afrikansk kultur, fyrst og fremst musikk, var overveldande. Det starta alt fyrste dagen, med eit heftig, musikalsk møte på Africa Cafe. Arbeidsstokken på restauranten opptredde for gjestane med song, spel og dans, og det

viste seg snart at vi hadde eit felles repertoar. Til stor glede for alle partar song vi saman, og det med eit lydnivå som berre finst i Afrika. Neste dag var det gudstjenestebesøk i Langa, ein av dei svarte bydelane utanfor Cape Town. Her vart vi igjen møtte med eit lydnivå som nesten



Spennande norsk-afrikansk kulturutveksling på gudstenesta i Langa i utkanten av Cape Town. Foto: Per Bjørnstad

afrikansk kultur, fyrst og fremst musikk, var overveldande.

Det starta alt fyrste dagen, med eit heftig, musikalsk møte på Africa Cafe. Arbeidsstokken på restauranten opptredde for gjestane med song, spel og dans, og det

sette oss ut av spel. Men ikkje heilt, når det var vår tur å synge vart vi møtte med fantastisk respons; jubel, tilrop, dans og verbal applaus som vi ikkje finn maken til på våre kantar. Seinare fekk vi møte marimbaorkester og ei ungdommeleg danse- og

trommegruppe. Vi hadde møte med ein lokal forteljar og visesongar og vi møtte eit kor til felles øving og framføring. Felles song med eit svart kor var sjølv sagt ei stor oppleving. Dei lærte song av oss og vi av dei, og vi song saman på afrikansk vis, med trøkk og rørsler som vi ikkje visste vi kunne. Vi skaffa oss vener desse dagane, og epostane går flittig mellom Norge og Cape Town i desse dagar.

Sjølv sagt vart vi prega av møtet med dei fattige, svarte, og besøket på Robben Island vart ei veldig påminning om den urettferda som har prega landet. Behovet for å gjere noko dukka opp, og sjølv om vi hadde hatt med oss barneklede til ein heil skuleklasse og sjølv om vi betalte godt for oss alle stader der vi fekk oppvartning, så ville vi gjerne gjere meir. Så då vi vart kjende med Ayanda, som drøymmer om å studere fysioterapi, vart avgjerda teken på strak arm: Vi betaler skulepengane for henne. Slik fekk Stryn Blandakor eit «adoptivbarn» i Sør Afrika.

Møtet med naturen rundt Cape-halvøya gjorde også inntrykk. Vi hadde båttur til Robben Island og båttur til ein selkoloni. Vi hadde fjelltur til Table Mountain, fottur på kappet og busstur til vindistriktet i aust og til nasjonalparken i sør. Vi opplevde eit dyreliv som vi knapt hadde venta, det var alt frå ein sjeldan zebra-rase ved Kapp gode håp til danseoppvisning av kvitkval ute i False Bay. Vi var i den største, botaniske hagen i Afrika og vi besøkte ein flott, gammal herregard ved Stellenbosch.

Å vere på tur med kor er meningsfylt på alle vis. Over alt fekk vi respons på songen vår, mest på det afrikanske stoffet, men også på dei norske songane våre. Atter ein gong fekk vi bevist at musikk skaper kontakt. Det er eit språk som alle forstår og som knytter menneske saman. Det er kanskje det sterkaste inntrykket vi har med oss heim frå Sør Afrika. Finst det nokon der ute som enno ikkje syng i kor? Tenk dykk om!

” Kravet om travelt og effektivitet har sneket seg inn også i våre kristne kirker og menigheter. ... Vi trenger å være før vi kan gjøre. Vi trenger å kjenne at vår verdi er uavhengig av det vi presterer.

Ingunn Breistein på
verdidebatt.no

” Gud. Vi ber deg for vår jord.
Hold dine hender over dem som kjemper, som lider og dør.
Gi oss fred. Hør vår bønn.
La oss skimte stjernen over Betlehem.

Gml. julebøn

Lærernes Misjonsforbund - LMF

Dette er ein misjonsorganisasjon som er lite kjend for dei fleste, difor ønskjer vi å orientere om dette arbeidet. Det var fem lærerinner i Oslo som starta LMF med namnet Lærerinnes Misjonsforbund i 1902. I dag er der 82 grupper. Ein kan stå som direkte medlem eller tilhøyre ei gruppe. Organisasjonen finst også i Sverige, Danmark og Finland. På generalforsamlinga i sommar vart namnet endra til Lærernes Misjonsforbund, men med same forkortinga - LMF. Samstundes vart det opna for mannlege medlemmar. I 1982 vart det skipa ei gruppe med namnet Indre Nordfjord LMF. No har denne gruppa vore i arbeid i 30 år. Formålet med arbeidet er å samle

lærarar og andre som er eller har vore i undervisningstilling til bønn, gjensidig åndeleg hjelp og til arbeid for kristen misjon. Vårt store ønske er at nye medlemmer kan kome til! Det vil gle oss. Både menn og kvinner, unge eller eldre, er velkomne, så dette er ei innbyding. Ta kontakt med sekretæren vår, Ruth Torheim, tlf. 48281368.

Helsing Indre Nordfjord LMF

Oddny Torheim



Ungdomsåret 2013

I 2013 er det Ungdomsår i Bjørgvin bispedøme. Vi vil at ungdom mellom 15 og 19 skal oppleve kyrkja som livsnær og relevant. Vi vil at ungdom skal få oppleve at Jesus er venn for livet og at ungdom kan ta del i kyrkjelyden sin, og kjenne på fellesskapet. Her i Nordfjord sparkar vi ungdomsåret i gang med stor-samling på Nordfjord folkehøgskulen den 13. jan. Vi håpar å samle ungdommar frå heile fjorden, vi legg opp til ulike aktivitetar, seminar, og avsluttar dagen med gudsteneste skred-darsydd for ungdom.



Kyrkjemedlemmer i Indre Nordfjord

Det har vore spørsmål etter medlemstal for Den norske kyrkja i sokna våre, og her kjem tala pr. 12. november 2012:

- Oppstryn: 456
- Nedstryn: 2638
- Loen: 475
- Olden: 861
- Innvik: 506
- Utvik: 299
- Randabygd: 161
- Nordsida: 452
- Hornindal 1129

På kyrkjebakken

Ny salmebok om eitt år

På Kyrkjedag for Nordfjord på Eid i november var bl.a. arbeidet med ny salmebok i fokus. Seniorrådgjevar Åge C. Haavik i Kyrkjerådet var invitert og hadde både føredrag og seminar om temaet. Arbeidet med den nye salmeboka er kome langt, og det var interessant å høyre om det store arbeidet som ligg bak ei slik bok. Det var og høve til prøvesynging av både nye og gamle salmar. Den nye salmeboka skal vere klar før jul i 2013.



Åge C. Haavik,
t.v. er sentral i
arbeidet med ny
salmebok

Ressursbank for trusopplæring

Treng du gode idear til trusopplæringsarbeidet kan du sjekke nettsida "ressursbank.kyrkja.no". Her finn du gode tips og idear, og har du gjort erfaringar som er verdt å dele, så legg dei inn her, slik at fleire kan få glede av dei!

"Pipekonsert" i Oppstryn

Orgelet i Oppstryn-kyrkja fyller 100 år neste år - og kyrkja blir 150! Etter ein reparasjon av orgelet i haust inviterte Frostsoddekoret den 22.11. til ein svært vellukka kombinert konsert og salmekveld for å markere at det atter er lyd i pipene. Soknerådet organiserer no ei innsamling for å sette orgelet i varig god stand til 150-årsjubileet neste år. Gåver kan innbetalast til konto 3795.22.86183.

«Abrahams barn» i Operahuset

Ta turen til Operahuset på Eid den 23. februar kl. 18.00!

Svein Tindberg, som er kjend bl.a. for framføringa av Markus-evangeliet og Apostelgjer-ningene turnerer no med førestillinga



Svein Tindberg.

«Abrahams barn», ei forteljing om det felles opphavet for kristne, jødar og muslimar. Altså eit brennaktuelt stykke for oss alle i dag. Alle tre religionane gjer krav på Abraham som stamfar, men er det ikkje eigentleg den same historia fortald på tre ulike måtar?

«Mi oppgåve er å fortelje ei god historie», seier Svein Tindberg. «Eg håpar publikum går ut med eit smil om munnen, men og med meir kunnskap. Vi må vite litt om kvarandre om vi skal kunne bu saman». Førestillinga varer i om lag to og ein halv time, med pause.

Framhald frå side 11

Når vi teiknar oss med krossen, gjer vi det slik:

Veslefingeren og ringfingeren bøyer vi inn i høgra handa. Dei tre andre fingrane held vi rett opp. Så fører vi høgra handa først frå panna og ned til brystet, og så frå venstre til høgra skulder medan vi seier: I namnet åt Faderen og Sonen og Den heilage ande. Amen.

Dei tre fingrane som vender opp, minner oss om den treeininge Gud: Langfingeren står for Faderen, peikefingeren for Jesus og tommelen for Den heilage Ande.

Dei to fingrane som er bøygde ned, seier kven Jesus er: Ringfingeren står for at Jesus er sann Gud og veslefingeren står for at Jesus er sant menneske.

Utgjeve av:

Kyrkjelydane i Indre Nordfjord
www.stryn.kyrkja.no

Illustrasjonar v. Magne Kristiansen

**Jule- og
nyttårs-fest
i Hornindal
5. januar**



**Øystein og
Kristin Frivold
med songkveld
i Hornindal,
24. februar**

Den tradisjonelle jule- og nyttårsfesten som Hornindal sokneråd og NMS Misjonsforeininga arrangerer vert på Hornindal Omsorgssenter laurdag ettermiddag 5. januar. Sjå nærare om program og klokkeslett i Fjordingen.

**Songstund i Hornindal kyrkje
søndag 27. januar**

kl. 19.30, ved Hornindal songlag,
Bjørn Solum og Kjetil Netland.

Far og dotter Frivold har sagt ja til ei innbyding til å halde ein songkveld i Hornindal kyrkje søndag kveld 24. februar. Øystein og Randi Frivold var prestefolk frå 1988 av i Hornindal, og her er dottera Kristin fødd. Ho tek no vidareutdanning i song ved Høgskulen i Volda. Kristin har, til liks med faren, ei songstemme og songglede som både varmar og grip. Soknerådet vil understreke at arrangementet er ope for heile indre Nordfjord.

Konsert i Nedstryn kyrkje

Fredag 21. desember kl. 20

Fredag 21. desember vil fire unge musikarar frå Stryn og Ålesund halde ein julekonsert i Nedstryn kyrkje med ein eigen vri på kjende og kjære julesongar.



Bandet består av Håkon Hagen Knudsen (Ålesund) på saksofonar, han studerer for tida utøvande

jazz ved konservatoriet i Stavanger. Runar Netland (Stryn) på perkusjon, som går Jazz, pop, rock linja på Viken folkehøgskule. Simon Kjelsvik (Ålesund) på kontrabass, lærarstudent med fordjupning i musikk på høg-



skulen i Bergen. Sissel Marie Netland (Stryn) på vokal og tangentar, studerer musikk ved høgskulen i Volda.

Den kristne trua i lommeformat

Til hjelp i konfirmantarbeidet/ trusopplæringa har kyrkjelydane i indre Nordfjord no gjeve ut ein foldar i ”lommeformat” som inneheld mange av dei sentrale sanningane i den kristne trua. Foldaren er også utlagt i kyrkjene til utdeling.

Herrens bøn

Vår Far i himmelen! Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.
(Matt 6, 9 – 13)



Morgonbøn

Eg takkar deg, himmelske Far, ved Jesus Kristus, din kjære Son, fordi du har vara meg i natt frå all skade og fare, og eg bed deg at du i dag må vara meg frå all synd og alt vondt, så all mi gjerning, og heile mitt liv må vere til hugnad for deg.
(Martin Luther)

Kveldsbøn

Herre, lat meg få kvila trygt hos deg, slik eg ein gong i dåpen kvilte i ditt fang. Herre, eg er jo din eigedom. Eg takkar deg for alt og søker min ro i skuggen av dine venger.
(Bo Giertz)

Bordbøn

Herre, di jord gjev oss mat nok for alle, Takk for den delen du vil vi skal få. Lær oss å dekkje eit langbord i verda Som alle kan reise seg mette frå. Amen. Amen.

Herre, vi reiser oss mette frå bordet, Takk for dei kreftene vår kropp har fått. Nye skal sitje ved bordet og ete, Når du får fordele, har alle nok. Amen. Amen.
(Vidar Kristensen/Oskar Stein Bjørlykke)

Joh 8, 12

Jesus seier: «Eg er lyset i verda. Den som følgjer meg, skal ikkje vandra i mørkret, men ha livsens lys.»

Den vesle Bibelen:

For så elska Gud verda at han gav Son sin, den einborne, så kvar den som trur på han, ikkje skal gå fortapt, men ha evig liv.
(Joh. 3, 16)

Joh 14, 6

Jesus seier: «Eg er vegen, sanninga og livet. Ingen kjem til Far utan gjennom meg.»

Forsakinga

Eg forsakar djevelen og alle hans gjerningar og alt hans vesen.

Truvedkjenninga

Eg trur på Gud Fader, den allmechtige, som skapte himmel og jord.

Eg trur på Jesus Kristus, Guds einborne Son, vår Herre, som vart avla ved Den heilage ande, fødd av Maria møy, pint under Pontius Pilatus, vart krossfest, døydde og vart gravlagd, fór ned til dødsriket, stod opp frå dei døde tredje dagen, fór opp til himmelen, sit ved høgre handa åt Gud, den allmechtige Fader, skal koma att derifrå og døma levande og døde. Eg trur på Den heilage ande, ei heilag, allmenn kyrkje, eit samfunn av dei heilage, forlating for syndene, oppstoda av leka-men og evig liv. Amen.

Dåps- og misjonsbodet

Eg har fått all makt i himmelen og på jorda. Gå difor og gjer alle folkeslag til læresveinar: Døyp dei til namnet åt Faderen og Sonen og Den heilage ande og lær dei

å halda alt det som eg har bode dykk. Og sjå, eg er med dykk alle dagar så lenge verda står. (Matt 28, 18 – 20)

Innstiftingsorda for nattverden

Vår Herre Jesus Kristus, i den natta han vart sviken, tok han eit brød, takka, braut det, gav læresveinane og sa: Ta imot og et! Dette er min kropp som blir gjeven for dykk. Gjer dette til minne om meg. Like eins tok han kalken etter måltidet, takka, gav dei og sa: Drikk alle av den. Denne kalken er den nye pakt i mitt blod som blir utrent for dykk så syndene blir tilgjevne. Kvar gong de drikk av han, så gjer det til minne om meg.

Dei ti boda

Du skal ikkje ha andre gudar enn meg.
Du skal ikkje misbruka namnet til Herren din Gud.
Du skal halda kvilledagen heilag.
Du skal heidra far din og mor di.
Du skal ikkje slå i hel.
Du skal ikkje bryta ekteskapet.
Du skal ikkje stela.
Du skal ikkje vitna falskt mot nesten din.
Du skal ikkje trå etter huset til nesten din.
Du skal ikkje trå etter ektemaken til nesten din, eller arbeidsfolket hans eller noko anna som høyrer nesten din til.

Det doble kjærleiksbodet

Du skal elska Herren din Gud av heile ditt hjarte og av heile di sjel og av all di makt og av alt ditt vit, og elska nesten din som deg sjølv. (Luk 10, 27)

Den gylne regelen

Alt de vil at andre skal gjera mot dykk, skal de òg gjera mot dei. (Matt 7, 12)

Krossteiknet

Krossen er Jesus sin logo. Vi teiknar oss med Jesus sitt merke fordi:

- Det minner oss om at vi er døypte i namnet til Faderen og Sonen og Den heilage ande.
- Det er ein måte å vise at vi trur på Jesus
- Det er ei bøn om at Jesus må vere nær oss og ta vare på oss



Salmen min

Av Johan Gjørven

Då eg vart utfordra til å skrive om "Salmen min" i Kyrkjeklokka, tenkte eg at det ikkje skulle by på problem. Men då eg skulle velje ut ein salme, var det ikkje enkelt. For meg er både tekst og melodi viktig, og det finst mange salmar som oppfyller krava. Etter å ha sett etter i Kyrkjeklokka, er det også salmar som er skrivne om før som eg kunne tenkt meg å skrive om. Det skal eg ikkje gjere.

Sidan vi er i adventstida, og jula nermar seg, har eg plukka ut ein julesalme som eg tykkjer svært godt om: "Stille natt! Hellige natt!" Melodien er roleg, mild og fredfull. Stryn Blandakor har han på reper-toaret sitt, og eg tykkjer harmoniane er fine. Eg likar godt å få vere med å syngje denne på julekonserten. Det er liksom at når vi er ferdige med å syngje denne, - ja då er jula koma.

Heime har vi halde på tradisjonen med å syngje rundt juletreet på julafta. Vi har alltid vore så mange at vi har nådd rundt treet, og eg synest det er ein fin og god tradisjon, som eg håpar blir ført vidare. Vi har nok aldri sunge "Stille natt", men "Glade jul", som er den danske omsetjinga gjort av Jørgen Ingemann i 1850.

"Stille natt" kjem frå Østerrike. Det fleire forteljingar om korleis den vart til. Kanskje er det denne: Den

unge hjelpepresten Joseph Mohr kom til kyrkja tidleg på julafta i 1818 for å førebu kveldsguds-



tenesta. Der møtte han organisten Franz Gruber som var heilt fortvila. Det kom ikkje ein lyd i orgelet, det var fleire hol i belgen. Og det kunne ikkje reparerast på så kort tid. Kva skulle dei gjere? Joseph Mohr fann på råd. Han sette seg ned og skreiv ein tekst til ein song dei kunne framføre. Då han var ferdig med det, gav

han teksten til Gruber som fekk i oppdrag å skrive melodi. Det vart gjort, og på julegudstenesta vart så "Stille natt" sunge av Mohr, Gruber, to kvinner og eit lite barnekor.

I dag er denne teksten oversatt til rundt 300 språk, og i alle kristne land vert truleg denne salmen sunge i jula. Det blir fortalt at julafta i 1914, under 1. verdskrigen, låg britiske og tyske soldatar og kjempa mot kvarandre ved fronten i Ypres i Belgia. Då mørkret senka seg, skimta britane at nokre tyske soldatar klatra opp i trea bak skyttargravene. Dei undra seg. Så vart det lys i trea. Soldatane hadde pynta trea sidan det var jul. Og like etterpå song dei "Stille Nacht! Heilige Nacht!". Då tonane stilna, steig ein ny song opp - frå den andre sida: "Silent night! Holy night". Det var britane. Det blir og fortalt at dei

Stille natt

Melodi: Franz Gruber

(1787-1863)

Tekst: Joseph Mohr (1792-1848)

Til norsk ved: Erik Hillestad

Stille natt, hellige natt
alt har søvn og mørke tatt.
Trofast våker de hellige to
varsomt vugger de barnet til ro.
/:Jorden tar himlen i favn :/

Stille natt, hellige natt
Barnet er vår største skatt.
Hyrder vekkes av gåtefull klang
Natten fylles av englenes sang.
/:Kristus, vår frelser er født:/

Stille natt, hellige natt
Aldri ble vår jord forlatt.
Himlen smiler fra barnets munn
Kommer nær
i en frelsende stund.
/:vier Guds fremtid til vår:/



gjekk mot kvarandre og tok kvarandre i hendene før dei gjekk tilbake til skyttargravene sine.

Då SKRUK med dirigenten Per Oddvar Hildre skulle gje ut juleplate i 1991, måtte dei sjølv sagt ha med den mest kjende av alle julesongane. Men dirigenten kunne ikkje bli fortruleg med teksten i "Glade jul".

Framhald side 14

Oddny under open himmel

Fred på jord

Ein laurdagsmorgon i juli sat eg og åt ein vanleg god frukost. På same tid høyrde eg dagsnytt i radioen. Der vart det opplyst: "Det har vorte meir krig i verda. Det har vore ein auke på 20% frå 2010, frå 31 til 37 konflikhtar". I nyheitene på TV ser vi dagleg bilde av samanstøytar, drap og blodige kampar. Kvifor skal det vere slik? Er fredsarbeidet mislukka? Mange av konfliktane er pga. ulike religionar. Dette gjer det endå verre, tykkjer eg. Kva med toleranse og menneskerespekt? Ei stille bøn om fred på jord og konfliktløysingar trengde seg fram, og ei takk for freden som vi har i landet vårt.

Vi er komne langt ut i året. Vi er byrja på adventstida, ei førebuing til jula 2012. Eg har leita fram eit vers i boka "Eli's julegleder" av Stig Nilsson:

*"Fire små lys vi tenner
varmer som gode venner.
Fire små lys i lydløst kor
i stille bønn om fred på jord,
fred på jord".*

Desse setningane vil eg bruke når eg kveikjer adventslysa i år. Det er godt å fornye seg litt.

*"Lyset er som håp,
så lat dei få skine.
Lyset er som tru, så lat dei få skine.
Lyset er som fred, så lat dei få skine.*

Kring jula er vi ekstra gåvmilde. Kan vi vere gåvmilde utan først å vere takksame? Til meir takksam du er, til meir gåvmild vil



du bli. Gåvmildheita tek til når ein blir bevisst om kva ein har fått. Det gjeld ikkje berre glitter og mange ting, men

helse, leve-
dagar, glede,
von, tru,
fami-
lie,
med
menneske
og vener.



Så kjem julekvelden. Lat oss samlast om kjære julesongar, fine tonar og juleevangeliet i heim og kyrkje! Er det ikkje fint at kyrjeklokkene ringjer inn jula, og gjev fred til grend og by? Ei oppleving i kyrkja julaftan for tre år sidan står framleis for meg. Ofringa var byrja. Ein treåring trengde seg fram til altarringen, der Betlehemsstallen var sett opp som pynt. Han vart henta tilbake til kyrkjebenken, og så byrja han å gråte. Då eg spurde kvifor han gret, svarte han: "Eg vil sjå Jesus!" Ja, lat oss trengje oss fram for å få sjå Jesus, og sei til dei andre: Kom og sjå! Så syng vi med David: "Ja, du er mitt ljøs, Herre. Herren lyser opp i mitt mørker".

Vi veit at jula er høgtida som gjer det gode betre, og det vonde vanskelegare. Og det er høgtida der vi ønskjer oss det beste for alle. Kvar jul er det nokon som feirar med ein for lite rundt bordet. Vi er mange som har mist ein kjær dette året.

Velsigna julehelg!

Mot jul

Av Margrethe Munthe

Som'ren er borte, dagene korte,
men gjennom mørke,
tåke og regn
langt i det fjerne
lyser en stjerne –
Betlehems-stjernen,
det himmelske tegn.

Snart skal vi høre
klokkene føre
budskap om høytid
i hjemmene inn.
Klart skal det klinge,
inn skal de ringe
julen for alle – i hjerte og sinn.

Granen vi tenner,
atter vi kjenner
julens vidunderlig barnlige fryd.
Intet oss tynger
medens vi synger
julekveldsangen
med jublende lyd!



Slekt skal følgje slekters gang



Oppstryn

Døde:

24/10 Karin Synnøve Andersen,
f. 1938.

Vigde:

13/10 Jeanette Nygård og Espen
Berstad

Nedstryn

Døpte:

- 9/9 Ådne Sunde.
For.: Hilde Cecilie Smørdal
og Øyvind Sunde
- 9/9 Jens-Petter Aaland-Skarstein.
For.: Ellen-Dina og Lars-Erik
Aaland-Skarstein.
- 7/10 Marius Svidal-Sande.
For.: Irene Lillian Svidal og Knut
Sande.
- 21/10 Sebastian Maurset Bicet.
For.: Marianne Røe Maurset
og Albert Bicet Toreau.
- 21/10 Maiken Tansøy Stølen.
For.: Siren Tansøy Eide og Daniel
Stølen Kvamme.
- 4/11 Aksel Guddal Breivik.
For.: Torill Guddal og Torstein
Breivik.

Døde:

- 1/6 Per Johan Ytreeide, f. 1954.
23/10 Oddgeir Egge, f. 1959.
6/11 Ivar Andreas Gjørven, f. 1926

Loen

Døpte:

30/9 Jonas Øen Omberg.
For.: Solgunn Øen og Nils Jørgen
Omberg.

Døde:

2/10 Steinvor Lunde, f. 1943.
21/10 Oddvar Oppheim, f. 1932.

Hornindal

Døpte:

2/9 Joakim Lødemel.
For.: Solveig Hestenes Lødemel
og Frode Lødemel

Døde:

- 8/9 Aud Gausemel, f. 1937
2/10 Peder Hatlelid, f. 1927
12/10 Amund Taraldset, f. 1935
6/11 Nella Lødemel f. 1921

Nordsida

Døpte:

- 7/10 Lukas Sjøstad.
For.: Matilda Lovise Hansen
og Stian Sjøstad.
- 28/10 Alma Sæten-Haaland.
For.: Tanja Kristin Haaland
og Trond Sæten.

Randabygd

Døde:

26/10 Magnhild Kandal, f. 1929

Utvik

Døpte:

30/9 Hermine Njøs Williams.
For.: Remi Anthony Williams
og Bjørg Valaker Njøs

Døde:

22/9 Olav Hestenes, f. 1923.
12/10 Olav Paulen, f. 1924.

Innvik

Døpte:

- 2/9 Magnus Nygård Haugen.
For.: Bjørn Aage Haugen og Sølvi
Håøy Nygård
- 21/10 Pernille Reme.
For.: Oddbjørn Reme og Ingunn
Pedersen. (Døpt i Olden)

Olden

Døpte:

14/10 Oskar Opheim Flåten.
For.: Erik Flo Flåten og Silje-Katrin
Opheim. (Døpt i Loen)

Døde:

23/9 Ivar Håheim, f. 1929

Framhald frå side 12


Han bad Erik Hillestad skrive ein ny og betre tekst. Hillestad fann fram Mohr sin opprinnelege tekst og oversette den til norsk. Dagen etter at Hildre fekk den nye teksten, song SKRUK inn "Stille natt! Hellige natt!" Fleire og fleire brukar no teksten til Hillestad.

I oktober var eg så heldig å få vere med Stryn Blandakor til Sør-Afrika. Ein fantastisk tur, der vi fekk sjå og oppleve mykje. Det som gjorde mest inntrykk på meg og som sit sterkast i minnet, er då vi vitja det fattige folket i Langa – i utkanten av Cape Town. Det var guds-teneste i eit klasserom på skulen deira. Songen og preika var så engasjerande. Borna sat fint og roleg på bakerste benkane og var med dei og. Det var nok ikkje berre eg av nordmennene som sat med tårer i augene, og var vitne til det inderlege engasjementet dei innfødde hadde. Dei var fattige på jordisk rikdom, men rike på det åndelege.

Eg håpar at både desse siste eg skreiv om, og alle vi andre kan finne glede og fred når vi les eller syng "Stille natt".

Eg utfordrar Henny Koppen til å skrive om sin song/salme til neste nummer.





Søndag er kyrkjedag

Gudstenester i Indre Nordfjord

Om det ikkje er gudsteneste i di kyrkje er du velkomen i nabokyrkja

16. desember; 3. s i adventstida – Joh 5, 31-36

Oppstryn 11:00 Gudsteneste. Takkoffer til LEVE
Nordsida 15:00 Julekonsert. Kollekt til kyrkjelydsarbeidet
Olden 16:00 Konsert
Utvik 16:00 Julekonsert
Hornindal 16:00 Julekonsert med lokale kreftar.
Kollekt til song- og musikkarbeidet i kyrkjelyden.
Innvik 18:00 Julekonsert
Nedstryn 20:00 Julekonsert. Kollekt til kyrkjelydsarbeidet

18. desember; tysdag

Nedstryn 09:30 Barnehagegudsteneste
Oppstryn 20:00 Konsert

20. desember; torsdag

Honndalshallen, Hornindal 17:00 Framvising av Den Store Kongen

21. desember; fredag

Nedstryn 09:45 Skulegudsteneste for Tonning skule
Nordsida 10:00 Skulegudsteneste
Nedstryn 10:30 Skulegudsteneste for ungdomsskulen
Nedstryn 20:00 Konsert. Sjå omtale side 10

23. desember; 4. s i advent – Matt 1, 1-20

Ljosheim 11:00 Gudsteneste
Hornindal omsorgsenter 16:00 Gudsteneste

24. desember; julaften – Luk 2, 1-20

Randabygd 13:00 Gudsteneste
Olden 14:00 Gudsteneste
Loen 14:30 Gudsteneste. Takkoffer til Kirkens Nødhjelp
Nordsida 15:00 Gudsteneste. Takkoffer til Kirkens Nødhjelp
Innvik 16:00 Gudsteneste
Utvik 16:00 Gudsteneste
Nedstryn 16:15 Gudsteneste. Takkoffer til Kirkens Nødhjelp

25. desember; juledag – Joh 1, 1-14

Loen 10:00 Katolsk messe
Nedstryn 11:00 Høgtidsgudsteneste. Takkoffer til NMS - Mali
Olden 12:00 Høgtidsgudsteneste
Hornindal 12:00 Høgtidsgudsteneste. Song ved Hornindal songlag.
Takkoffer til Kirkens Nødhjelp
Oppstryn 13:00 Høgtidsgudsteneste. Takkoffer til NMS - Mali

26. desember; 2 juledag – Joh 16, 1-4a

Innvik 11:00 Gudsteneste
Nordsida 11:00 Gudsteneste. Nattverd
Nedstryn 20:00 Ung messe

30. desember; Romjuls søndag – Luk 2, 25-35

Loen 11:00 Gudsteneste. Takkoffer til NMS - Mali

31. desember; Nyårsaftan – Matt 11, 25-30

Hornindal 15:00 Gudsteneste ved Jon Ytrehorn. Takkoffer til diakoniarbeidet i kyrkjelyden

01. januar; Nyårsdag (Jesu namnedag) – Matt 18, 19-20

Nedstryn 11:00 Gudsteneste
Utvik 12:00 Gudsteneste

06. januar; Kristi openberring – Joh 12, 42-47

Oppstryn 11:00 Gudsteneste
Olden 11:00 Gudsteneste

12. januar; laurdag

Loen 17:00 Katolsk messe

13. januar; 2. s i openberringstida – Joh 1, 29-34

Nedstryn 11:00 Gudsteneste
Innvik 11:00 Gudsteneste
Hornindal 11:00 Gudsteneste ved Jon Ytrehorn
Nordfjord folkehøgskule, Vereide 15:00 Avspark for ungdomsåret i Bjørgvin

20. januar; 3. s i openberringstida – Joh 1, 15-18

Loen 11:00 Gudsteneste ved Sigurd Stige
Utvik 11:00 Gudsteneste
Nordsida 11:00 Gudsteneste ved Jon Ytrehorn

25. januar; fredag

Grendahuset, Oppstryn 20:00 Kyrkjelyden sin årsfest

27. januar; Såmannsøndag – Matt 13, 24-30

Nedstryn 11:00 Gudsteneste med utdeling av Barnas kyrkjebok
Olden 11:00 Gudsteneste ved Sigurd Stige
Loen 15:00 Katolsk messe
Hornindal 19:30 Songkveld

03. februar; Kr forkl dag – Luk 9, 28-36

Oppstryn 11:00 Gudsteneste. Utdeling av Barnas kyrkjebok
Innvik 11:00 Gudsteneste
Hornindal 11:00 Gudsteneste
Loen 15:00 Gudsteneste. Utdeling av Barnas kyrkjebok
Kyrkjelyden sin årsfest i bygdauset etter gudstenesta
Urdabrun, Utvik 15:00 Kyrkjelyden sin årsfest
Nordsida 16:00 Gudsteneste

09. februar; laurdag

Loen 17:00 Katolsk messe

10. februar; Fastelavns-søndag – Luk, 31-34

Nedstryn 11:00 Vintertreff. Biskop Halvor

Nordhaug og Tensing Norge vert med

17. februar; 1. s i fastetida – Matt 26, 36-45

Oppstryn 11:00 Gudsteneste
Olden 11:00 Gudsteneste
Hornindal 11:00 Gudsteneste

24. februar; 2. s i fastetida – Luk 13, 22-30

Nedstryn 11:00 Gudsteneste ved Harald Runde
Loen 15:00 Katolsk messe
Innvik 16:00 Gudsteneste
Randabygd 11:00 Gudsteneste

03. mars; 3. s i fastetida – Luk, 22, 28-34

Loen 11:00 Gudsteneste
Utvik 11:00 Gudsteneste
Nordsida 11:00 Gudsteneste
Betania, Stryn 19:00 Kyrkjelyden sin årsfest

09. mars; laurdag

Loen 17:00 Katolsk messe

10. mars; 4. s i fastetida – Joh 6, 24-36

Nedstryn 11:00 Gudsteneste
Olden 11:00 Gudsteneste ved Sigurd Stige
Hornindal 19:30 Gudsteneste

17. mars; Maria bodskapsdag – Luk 1, 39-45

Oppstryn 11:00 Gudsteneste
Innvik 11:00 Gudsteneste

22. mars; fredag

Loen 12:30 Skulegudsteneste

24. mars; Palmesøndag – Luk 18, 31-43

Nedstryn 11:00 Gudsteneste ved Sigurd Stige
Utvik 11:00 Gudsteneste
Ljosheim 20:00 Gudsteneste

28. mars; Skjærtorsdag – Joh 13, 1-17

Innvik 11:00 Gudsteneste
Bøasetra, Stryn 12:00 Friluftsgudsteneste
Bruasetra, Hornindal 12:00 Friluftsgudsteneste ved Jon Ytrehorn
Oppstryn 20:00 Gudsteneste
Nordsida 20:00 Gudsteneste

29. mars; langfredag – Luk 22,39 – 23,46

Nedstryn 11:00 Gudsteneste
Loen 12:00 Katolsk messe
Olden 20:00 Pasjonsgudsteneste

31. mars; påskedag – Joh 20,1-10

Nedstryn 09:00 Høgtidsgudsteneste
Loen 10:00 Katolsk
Oppstryn 11:00 Høgtidsgudsteneste
Olden 11:00 Høgtidsgudsteneste
Randabygd 11:00 Høgtidsgudsteneste
Hornindal 11:00 Høgtidsgudsteneste

01. april; 2. påskedag – Joh 20, 11-18

Loen 11:00 Gudsteneste
Misjonsheimen, Innvik 11:00 Gudsteneste
Nordsida 11:00 Gudsteneste

Besøk nabokyrkja!

Volda og Ørsta har blitt våre nære grannar. Frå Grodås til Austefjord eller til Bjørke er det berre eit kvarters køyring. I begge desse bygdene er det kyrkjer, og frå begge sider av fylkesgrensa er det kome ynskje om å

Volda: volda.kyrkja.no
Ørsta: ikyrkja.no



Gudstenester i Austefjord kyrkje, Fyrde:

2. des kl. 16; 25. des kl. 11; 31. des kl. 16;
13. jan kl.11; 27. jan kl. 11;
10. feb kl. 11; 24. feb kl.
20; 10. mars kl.11; Lang-
fredag kl. 11; 1.påskedag kl.
11.

Gudstenester i Bjørke kyrkje (bildet t.v.):

2. des kl. 16; 24. des kl. 12;
26. des kl. 11; 1. jan kl. 11;
27. jan kl.11; 24. feb kl. 11;
10. mars kl. 11; Langfredag
kl. 20;
1. påskedag kl. 20.

kunne besøke kvarandre i samband med gudstenester og andre kyrkjelege tilskipingar.

Her følgjer oversikt over dagar då det er gudstenester i dei to kyrkjene, fram til og med mars månad. Merk: I Volda og Ørsta kyrkjer er det gudsteneste dei fleste søndagar. Nærmare opplysningar både om gudstenester, konsertar, møte- og foredragskveldar er å finne på heimesidene til dei to kyrkjene:

Våre grannekyrkjer i nord ynskjer nordfjordingar velkomne. J.Y.



Grønt kor!

Stryn barnekor har no fått seg nye T-skjorter, som er i bruk kvar gong ungane syng på ulike arrangement. Desse er, som de ser, grønne, og då kom vi på at det ville vere ein fin tanke å bli "Grønt kor". Vi gjer det enkelt; på kvar øving, når vi er ferdige med bibelforteljinga, opnar vi for forslag om kva vi kan gjere for å ta vare



Her er Stryn Barnekor i aksjon i samband med Betania-basaren i slutten av oktober.

på jorda vår. Og ungane er flinke og kjem med gode, enkle forslag, som vert skrive på ein grøn plakat. Så langt står det:

- Ikkje kaste søppel i naturen
- Pante flasker
- Brette/levere mjøllekartongar
- Ikkje øydelegge tre og plantar
- Vere snill mot dyra, og passe godt på dei.

Den oppveksande slekt har skjont mykje om å ta vare på jorda vår!

ÅUB.

KAFFEKROKEN

JULAFTAN



© Hans Johan Sagrusten

0803

Neste nummer får du i posten ca. 15. mars. Redaktør blir Anna Marie Skogli.
Stoff kan sendast på e-post til post@kyrkjeklokka.no innan 25. august.